

**NTU B NTAWM TSAB NTAWV CEEB TOOM TXOG TXHEEJ
TXHEEM TIV THAIV KEV NYAB XEEB
NIAM TXIV COV CAI RAU COV NEEG KAWM NTAWV TSHWJ
XEEB HAUV TSEV KAWM NTAWV RAU PEJ XEEM**

Cov cuab yeej uas muaj nyob hauv tsab ntawv no yog siv los qhia ncauj lus thiab kev coj txog cov cai ntawm kev kawm ntawv tshwj xeeb thiab cov txheej txheem tiv thaiv kev nyab xeeb rau cov niam txiv uas muaj cov me nyuam hnub nyoog 3 txog 21 xyoos raws li lub xeev thiab tsoom fwv teb chaws txoj cai. Tsab ntawv no piav qhia txog qee cov cai thiab cov txheej txheem tiv thaiv kev nyab xeeb raws li tsab cai txhawb cov neeg kawm ntawv tsis taus (Individuals With Disabilities Education Act - IDEA), txoj kev siv cov kev cob cai ntawm 34 C.F.R ntu 300, thiab Minnesota cov cai thiab cov kev cob cai uas tsim nyog; nws tsis tau yog tag nrho cov cai los yog tag nrho cov lus piav qhia txog cov cai ntawd. Tsab ntawv no theej tsis tau txoj kev nrhiav tswv yim los ntawm ib tug kws lij choj txog koj qhov xwm plaub ntug tshwj xeeb. Tsab ntawv no xam tsis tau lub xeev thiab tsoom fwv teb chaws txoj cai uas tsim nyog thiab tej zaum txoj cai kuj yuav hloov lawm txij li thaum ua tsab ntawv no tawm.

KEV NTHUAV QHIA

Tsab ntawv no nthuav qhia txog niam txiv cov cai ntawm kev kawm ntawv tshwj xeeb, qee zaus hu ua txheej txheem tiv thaiv kev nyab xeeb. Tib co txheej txheem tiv thaiv kev nyab xeeb no tseem muaj rau cov me nyuam kawm ntawv uas ib ce tsis taus uas muaj 18 xyoo lawm.

Yuav tsum tau muab Tsab Ntawv Ceeb Toom Txheej Txheem Tiv Thaiv Kev Nyab Xeeb no rau koj yam tsawg ib zaug ib xyoos. Tseem yuav tsum tau muab rau koj:

1. Thawj zaug xa koj tus me nyuam mus rau ib qho kev ntsuam xyuas rau kev kawm ntawv tshwj xeeb los yog koj thov kom muaj ib qho kev ntsuam xyuas;
2. Thawj zaug uas koj ua tsab ntawv tsis txaus siab mus rau hauv Minnesota Tuam Tsev Txhawb Kev Kawm Ntawv (Minnesota Department of Education) (MDE) hauv lub xyoo kawm ntawv;
3. Thawj zaug koj los yog cheeb tsam tsev kawm ntawv thov kom muaj kev coj raws cai hauv lub xyoo kawm ntawv;
4. Hnub uas cheeb tsam tsev kawm ntawv txiat los hloov qhov chaw koj tus me nyuam kawm ntawv uas tshem tus me nyuam kawm ntawv tawm hauv lub tsev kawm rau kev ua txhaum ntawm cheeb tsam tsev kawm ntawv tsab cai txog kev qhuab qhia; los yog
5. Thaum koj thov txog.

NTAWV FAJ SEEB SAU UA NTEJ

Cheeb tsam tsev kawm ntawv yuav tsum sau ntawv tuaj qhia rau koj ua ntej txhua zaus lawv pom zoo pib los sis hloov, los yog tsis kam pib los sis hloov:

- koj tus me nyuam qhov hom thawj;
- txoj kev ntsuam xyuas thiab kev muab koj tus me nyuam tso kawm ntawv;
- kev kawm ntawv dawb raws li qhov kawm tau (FAPE) rau koj tus me nyuam; los yog
- thaum koj sau ntawv tsis kam tso cai muab cov kev pab rau koj tus me nyuam thiab cheeb tsam tsev kawm ntawv tsum tsis muab cov kev qhia ntawv tshwj xeeb thiab cov kev pab muaj feem xyuam nrog.

Tsab ntawv no yuav tsum muaj:

1. Ib qho qhia txog qhov cheeb tsam tsev kawm ntawv pom zoo ua los sis tsis pom zoo ua;
2. Ib qho qhia seb vim li cas cheeb tsam tsev kawm ntawv thiaj li pom zoo ua los sis tsis pom zoo ua;
3. Ib qho kev qhia txog txhua tus txheej txheem ntsuam xyuas, soj ntsuam, cov ntaub ntawv los yog cov ntawv qhia uas cheeb tsam tsev kawm ntawv siv ua qauv rau lawv qhov kev pom zoo los yog tsis pom zoo;
4. Ib nqe lus qhia tias koj, tam li leej niam leej txiv ntawm ib tug me nyuam muaj kev tsis taus, tau muaj kev tiv thaiv raws li cov txheej txheem tiv thaiv kev nyab xeeb thiab cov ncauj lus qhia koj txog kev mus muab tau ib daim ntawv piav qhia txog cov txheej txheem tiv thaiv kev nyab xeeb;
5. Cov kev pab uas koj yuav hu tau rau kom tau kev pab kom nkag siab txog cov txheej txheem tiv thaiv kev nyab xeeb no;
6. Ib co lus piav qhia txog lwm cov kev taug uas pab neeg IEP tau xav txog thiab cov laj thawj uas lawv raug muab tshem tawm pov tseg; thiab
7. Ib co lus piav qhia txog lwm yam uas muaj feem rau cheeb tsam tsev kawm ntawv txoj kev pom zoo los yog tsis pom zoo.

Ntxiv rau tsoom fwv cov kev txww txiav, yuav tsum sau ntawv tuaj faj seeb qhia rau koj ua ntej tias, *tshwj tsis yog thawj zaug muab koj tus me nyuam tso mus kawm ntawv tshwj xeeb*, cheeb tsam tsev kawm ntawv yuav muab koj tus me nyuam mus kawm ntawv li cas, los yog tau kev kawm ntawv tshwj xeeb, tshwj tsis yog koj qhia rau cheeb tsam tsev kawm ntawv paub tias koj tsis pom zoo ua ntej 14 hnub txij li cheeb tsam tsev kawm ntawv xa tsab ntawv faj seeb. Cheeb tsam tsev kawm ntawv yuav tsum luam lawv lub tswv yim IEP tuaj qhia rau koj thaum twg lawv xav pib los yog hloov cov kev kawm hauv qhov IEP.

Tsab ntawv sau faj seeb ua ntej yuav tsum teev tias, yog koj tsis pom zoo rau ib lub tswv yim los yog tsab ntawv faj seeb dhau los, koj yuav tsum muaj lub rooj sib tham daws teeb meem, thiab cheeb tsam tsev kawm ntawv yuav tsum qhia koj txog lwm cov txheej txheem daws teeb meem, nrog rau

kev kho kom haum xeeb thiab kev tswj IEP cov rooj sib tham, raws li Minnesota Cov Cai, ntu 125A.091, Nqe 7-9.

YOG XAV PAUB NTXIV

Yog hais tias koj xav tau kev pab kom nkag siab txog koj cov cai ntawm tus txheej txheem los yog lwm yam txog koj tus me nyuam txoj kev kawm ntawv, thov hu rau tus thawj coj hauv kev kawm ntawv tshwj xeeb los yog tus neeg uas muaj npe hauv qab no. Tsab ntawv tshaj tawm no yuav tsum tau ua koj hom lus hais los yog lwm hom kev sib txuas lus uas tej zaum koj siv. Yog hais tias koj hom kev sib txuas lus tsis yog ib hom lus sau rau hauv ntawv, cheeb tsam tsev kawm ntawv yuav tsum tau los hais lus txhais tsab ntawv tshaj tawm no los yog lwm yam. Cheeb tsam tsev kawm ntawv no yuav tsum tau los xyuas tias koj nkag siab cov lus nyob hauv tsab ntawv tshaj tawm no thiab ceev cov ntawv sau ua pov thawj tias tau siv ib txoj kev sib txuas lus uas koj nkag siab los qhia rau koj txog tsab ntawv tshaj tawm no thiab koj nkag siab txog cov ncauj lus nyob hauv tsab ntawv tshaj tawm no.

Yog hais tias koj muaj lus nug los yog xav paub ntxiv, thov hu rau:

Npe: _____

Xov tooj: _____

Yog xav paub ntxiv, koj hu tau rau ib lub koom haum nram qab no:

ARC Minnesota (pab cov neeg muaj teeb meem kev loj hlob)

www.thearcofminnesota.org

651-523-0823

1-800-582-5256

Minnesota Association for Children's Mental Health

www.macmh.org

651-644-7333

1-800-528-4511

Minnesota Disability Law Center

www.mndlc.org

612-334-5970 (Nroog Ntxaib)

1-800-292-4150 (Cov Zos Puag Ncig Nroog Loj Hauv Minnesota)

612-332-4668 (TTY)

PACER (Parent Advocacy Coalition for Educational Rights)

www.pacer.org

952-838-9000

1-800-53-PACER,

952-838-0190 (TTY)

Minnesota Department of Education

www.education.state.mn.us

651-582-8689

651-582-8201 (TTY)

KEV XA NTAWV HAUV TSHUAB HLUAV TAWS XOB

Yog koj cheeb tsam tsev kawm ntawv muab txoj kev txais ntawv hauv tshuab hluav taws xob rau cov niam txiv, koj yeej xaiv tau txoj kev txais koj tsab ntawv faj seeb ua ntej, cov ntawv qhia txog txheej txheem tiv thaiv kev nyab xeeb, los yog cov ntawv muaj feem xyuam rau kev ceeb toom lus tsis txaus siab kom coj raws cai hauv email.

NIAM TXIV KEV TSO CAI

Ntsiab Txhais ntawm Kev Tso Cai

Tso cai txhais tias twb tau qhia tag nrho cov ncauj lus tseem ceeb txog qhov dej num uas xav kom koj sau ntawv tso cai rau lawm, ua koj hom lus, los yog lwm hom kev sib txuas lus. Yuav kom koj tso cai tau koj yuav tsum tau nkag siab thiab sau ntawv pom zoo ua cov dej num uas xav kom koj tso cai rau ntawd. Daim ntawv tso cai no yuav tsum teev muaj cov ntaub ntawv uas yuav qhia tawm thiab qhia tawm rau leej twg.

Kev Thim Lus Tso Cai

Kev tso cai yog los ntawm kev yeem thaj thiab yuav thim tau rov qab txhua lub sij hawm. Tiam sis, kev thim rov qab kev tso cai yuav muab tsis tau rov qab lawm, txhais tias txawm thim ib qho kev tso cai rov qab los yuav thim tsis tau yam twb ua tag ua ntej hnub thim kev tso cai. Ntxiv mus, thim kev tso cai siv lub tswv yim cuam tshuam cwj pwm coj mas yuav tseev kom cheeb tsam tsev kawm ntawv cia li tsum tsis txhob siv lub tswv yim ntawd tam sim ntawd.

Thaum Twg Cheeb Tsam Tsev Kawm Ntawv Yuav Tsum Tau Koj Daim Ntawv Tso Cai

A. Kev Ntsuam Xyuas Thawj Zaug

Cheeb tsam tsev kawm ntawv yuav tsum tau koj daim ntawv tso cai ua ntej lawv yuav pib ntsuam xyuas koj tus me nyuam thawj zaug. Koj los yog cheeb tsam tsev kawm ntawv pib thov tau kom muaj kev ntsuam xyuas thawj zaug. Yog koj tsis teb muab kev tso cai los yog koj tsis kam tso cai muaj kev ntsuam xyuas thawj zaug, cheeb tsam tsev kawm ntawv yuav hla tsis dhau koj txoj kev tsis kam tso cai. Yuav pib txoj kev ntsuam xyuas thawj zaug ua ntej 30 hnub kawm ntawv txij li hnub uas cheeb tsam tsev kawm ntawv txais tau koj tsab ntawv tso cai ntsuam xyuas, tshwj tsis yog muaj lub rooj sib tham daws teeb meem los yog tau thov kom muaj lub rooj sib hais.

Yuav tsis xam tias cheeb tsam tsev kawm ntawv ua txhaum txoj luag num pab tus me nyuam los yog cov luag num ntsuam xyuas thiab rov ntsuam xyuas yog koj tsis kam tso cai los yog tsis teb tuaj tso cai rau txoj kev ntsuam xyuas thawj zaug.

Yog koj tso cai rau txoj kev ntsuam xyuas thawj zaug, txoj kev tso cai no tsis yog tso cai rau cov kev qhia ntawv tshwj xeeb thiab cov kev pab muaj feem xyuam.

B. Kev Tso Kawm Ntawv Thawj Zaug thiab Pib Pab txog Kev Qhia Ntawv Tshwj Xeeb thiab Cov Kev Pab Muaj Feem Xyuam

Cheeb tsam tsev kawm ntawv yuav tsum tau koj tsab ntawv tso cai ua ntej yuav muab koj tus me nyuam tso rau kev kawm ntawv tshwj xeeb thiab pib pab txog kev qhia ntawv tshwj xeeb thiab cov kev pab muaj feem xyuam rau koj tus me nyuam txoj kev uas nws yog ib tug me nyuam muaj kev tsis taus.

Yog koj tsis teb tso cai, los yog koj tsis kam tso cai pib pab txog kev qhia ntawv tshwj xeeb thiab cov kev pab muaj feem xyuam, cheeb tsam tsev kawm ntawv hla tsis dhau koj txoj kev tsis kam.

Yog koj tsis kam tso cai pib pab txog kev qhia ntawv tshwj xeeb thiab cov kev pab muaj feem xyuam, los yog koj tsis muaj rab peev xwm teb tso cai pib pab txog kev qhia ntawv tshwj xeeb thiab cov kev pab muaj feem xyuam, yuav tsis pom tias cheeb tsam tsev kawm ntawv ua txhaum cai vim lawv tsis muab cov kev qhia ntawv tshwj xeeb thiab cov kev pab muaj feem xyuam rau koj tus me nyuam raws li lawv thov kev tso cai rau.

C. Cov Kev Rov Ntsuam Xyuas

Yuav tsum muaj koj txoj kev tso cai ua ntej cheeb tsam tsev kawm ntawv yuav rov ntsuam xyuas tau koj tus me nyuam. Yog koj tsis kam tso cai rau txoj kev rov ntsuam xyuas, cheeb tsam tsev kawm ntawv yuav hla tsis dhau. Yuav rov muaj kev ntsuam xyuas tom qab 30 hnub kawm ntawv uas tau txais koj txoj kev tso cai muaj kev ntsuam xyuas los yog 30 hnub txij li hnub xaus ntawm lub sij hawm 14 hnub uas koj muaj caij nyoog tsis pom zoo cheeb tsam tsev kawm ntawv cov kev yuav coj.

D. Cov Kev Pab Hloov Chaw Kawm Ntawv

Yuav tsum muaj koj txoj kev tso cai ua ntej yuav muab tau tej ncauj lus ntiag tug rau cov chaw khiav dej num uas muab cov kev pab hloov chaw los yog them rau cov kev pab hloov chaw.

Thaum Twg Tsis Tas Muaj Koj Txoj Kev Tso Cai

Tshwj tsis yog txoj kev ntsuam xyuas thawj zaug thiab thawj zaug xaiv tso rau kev kawm ntawv thiab thawj zaug tau cov kev pab cuam muaj feem xyuam, yog koj tsis qhia rau cheeb tsam tsev kawm ntawv tias koj tsis pom ua ntej 14 hnub txij li hnub uas cheeb tsam tsev kawm ntawv sau ntawv tuaj qhia koj txog cov luag num lawv yuav ua rau koj tus me nyuam, ces cheeb tsam tsev kawm ntawv yuav pib ua cov luag num mus txawm koj tsis tso cai.

Ntxiv mus, yuav tsum muaj koj txoj kev tso cai cheeb tsam tsev kawm ntawv thiaj li xyuas tau cov ntaub ntawv teev txog koj tus me nyuam txoj kev kawm ntaub ntawv uas yog ib feem ntawm txoj kev ntsuam xyuas thiab rov ntsuam xyuas.

Yuav tsis tag muaj koj txoj kev tso cai rau cheeb tsam tsev kawm ntawv muab kev sib tw los yog lwm yam kev ntsuam xyuas uas yeej muab rau txhua txhia tus neeg kawm ntawv, tshwj tsis yog yuav tsum muaj kev tso cai los ntawm cov niam txiv rau tag nrho cov me nyuam.

Niam Txiv Txoj Cai Tsis Pom Zoo thiab Cai Muaj Lub Rooj Sib Tham Daws Teeb Meem

Koj muaj cai sau ntawv tsis txaus siab txog txhua yam luag num ua ntej 14 hnub txij li hnub cheeb tsam tsev kawm ntawv sau ntawv tuaj qhia rau koj paub. Yog koj tsis txaus siab rau cheeb tsam ib lub tswv yim twg, koj muaj cai thov kom tau lub rooj sib tham daws teeb meem, kev sib kho kom haum xeeb, kev tswj pab neeg IEP lub rooj sib tham los yog muaj kev hais kom coj raws cai. Ua ntej kaum hnub txij li hnub cheeb tsam tsev kawm ntawv txais tau koj tsab ntawv tsis pom zoo txog lub tswv yim los yog tsis kam ua raws li cheeb tsam tsab ntawv faj seeb ua ntej, cheeb tsam tsev kawm ntawv yuav hais kom koj tuaj koom lub rooj sib tham daws teeb meem.

Yuav muab tag nrho cov lus sib tham hauv lub rooj daws teeb meem ceev zoo cia thiab siv tsis tau rau hauv lub rooj sib hais kev ua raws cai, tshwj tsis yog Minnesota Cov Cai, ntu 125A.091. Ua ntej tsib hnub tom qab lub rooj sib tham daws teeb meem tag, cheeb tsam tsev kawm ntawv yuav tsum

npaj sau thiab muab ib tsab ntawv teev txog cheeb tsam tsev kawm ntawv lub tswv yim pom zoo muab kev pab kawg rau koj. Yuav siv tau tsab ntawv teev lus no ua ntawv pov thawj rau hauv kev sib hais plaub ntug tom ntej.

Koj thiab cheeb tsam pom zoo siv tau kev kho kom haum xeeb, kev sib kho kom haum xeeb, kev tswj xyuas txoj kev pab tswv yim qhia ntawv rau tib leej kheej (IEP) pab neeg lub rooj sib tham kom daws tau txoj kev tsis txaus siab. Koj los yog cheeb tsam tsev kawm ntawv puav leej thov tau kom muaj kev sib hais kom coj raws cai (xyuas ntu piav txog Cov Rooj Sib Hais Kom Coj Raws Cai Nruab Nrab Ntug hauv tsab ntawv no). Cheeb tsam tsev kawm ntawv yuav tsum muab txoj kev qhia ntawv tsim nyog rau koj tus me nyuam thaum lub caij nyooog muaj lub rooj sib hais txog kev coj raws cai.

Kev Ceev Zoo Cia thiab Cov Ntaub Ntawv Teev Qhia Ntiag Tug

Cov ntaub ntawv uas teev qhia ntiag tug yog muaj xws li, tiam sis tsis yog tag rau, tus neeg kawm ntawv lub npe, tus neeg kawm ntawv leej niam leej txiv los yog cov neeg hauv lub tsev neeg cov npe, tus neeg kawm ntawv los yog tus neeg kawm ntawv tsev neeg qhov chaw nyob, tus zauv cim qhia ntiag tug, xws li tu neeg kawm ntawv tus zauv Social Security, tus neeg kawm ntawv tus zauv cim tus kheej, los yog cov ntaub ntawv keeb kwm roj ntsha, lwm cov ncauj lus uas tsis yog qhia ncaj nraim txog tus neeg, xws li tus neeg kawm ntawv lub hnuh yug, chaw yug, leej niam lub npe hluas nkauj, lwm cov ncauj lus uas nws nyob nws los yog txuam nrog lwm cov, uas txuas mus rau los yog txuas tau mus txog ib tug neeg kawm ntawv twg uas yuav cia tau ib tug neeg tsim nyog hauv lub tsev kawm ntawv, uas tsis paub txog cov xwm txheej, paub tseeb txog tus neeg kawm ntawv, los yog thov ntaub ntawv los ntawm ib tug neeg uas lub chaw khiav dej num kawm ntaub ntawv ntseeg tias yeej paub zoo tus neeg kawm ntawv uas nws thov cov ntaub ntawv teev kev kawm ntawv txog.

Cov Cheeb Tsam Tsev Kawm Ntawv thiab MDE yuav tsum tiv thaiv cov ntaub ntawv teev ntiag tug, ncauj lus thiab ntaub ntawv teev keeb kwm uas lawv sau ua ke, tswj, qhia tawm, thiab muab pov tseg.

Feem ntau, yuav tsum muaj koj txoj kev tso cai ua ntej cheeb tsam tsev kawm ntawv yuav qhia tawm tau tej ntaub ntawv teev ntiag tug ntawm koj tus me nyuam cov ntaub ntawv teev txog kev kawm ntawv mus rau lwm cov uas tsis yog cov kws ceev xwm ntawm cov chaw khiav dej num sau ua ke los yog siv cov ncauj lus raws li Tsab Cai Txhawb Cov Neeg Kawm Ntawv Tsis Taus (IDEA) los yog rau lwm yam laj thawj dua li yuav tsum ua raws txoj cai.

Thaum uas tsis tas tau koj qhov kev tso cai los qhia tawm cov ntaub ntawv teev ntiag tug. Yuav tsis tas tau koj qhov kev tso cai, los yog kev tso cai los ntawm ib tug neeg kawm ntawv uas tsim nyog (hnuh nyooog 18 xyoo los yog laus dua) txoj kev tso cai ua ntej yuav qhia tawm tau cov ntaub ntawv teev ntiag tug hauv cov ntaub ntawv teev txog kev kawm ntawv mus rau cov kws ceev xwm hauv cheeb tsam tsev kawm ntawv los yog lub xeev tuam fab txhawb kev kawm ntawv kom ua tau raws li IDEA cov kev txwv txiav.

Koj tus me nyuam cov ntaub ntawv teev txog kev kawm ntawv, nrog rau cov ntaub ntawv teev kev qhuab qhia, yeej muab tau mus rau cov kws ceev xwm ntawm lwm lub tsev kawm ntawv, lwm cheeb tsam tsev kawm ntawv los yog tsev kawm ntawv qib siab tsis tag muaj kev tso cai, yog tias koj tus me nyuam xav rau npe kawm los yog xav mus kawm ntawm lub tsev kawm ntawv los yog lub tsev kawm ntawv qib siab nyob rau hauv cheeb tsam tsev kawm ntawv ntawd.

Yuav tsum yog Txoj Cai Tswj Tsev Neeg Cov Cai Kev Kawm Ntawv (Family Educational Rights and Privacy Act – FERPA) tso cai thiaj li muaj kev qhia tawm ntaub ntawv tau yog koj tsis tau tso cai. Thov

xyuas 34 C.F.R. Ntu 99 kom paub ntxiv txog tsoom fwv teb chaws txoj cai tswj kev tso cai txog cov ntaub ntawv ntiag tug.

Cov Ncauj Lus Hauv Phau Ntawv Teem Npe (Directory Information)

Muab tau cov ncauj lus hauv phau ntawv teem npe qhia tawm tsis tag yuav muaj koj txoj kev tso cai. Hom ntaub ntawv no yog muaj cov ncauj lus txog koj tus me nyuam txoj kev kawm ntawv uas yuav tsis tsim teeb meem los yog tsim kev phem rau ntiag tug txawm tias muab qhia tawm.

Cov ncauj lus hauv phau ntawv teem npe muaj xws li, tiam sis tsis yog tas rau, ib tug me nyuam kawm ntawv qhov chaw nyob, tus xov tooj, tus email, hnub yug thiab chaw yug, kawm txog dab tsi, qib kawm, puas tseem kawm ntawv, cov hnub tim uas kawm ntawv, kev koom tes hauv cov kev ua si thiab kev ncaws pob ntaus pob, qhov nyhav thiab siab ntawm cov neeg ntaus pob ncaws pob, cov ntawv kawm tias, cov ntawv kawm tau siab, thiab cov phaj tshab tau txais, lub koom haum kawm ntawv los yog lub tsev kawm ntawv uas mus kawm tsis ntev los no, thiab tus me nyuam kawm ntawv tus ID, tus ID uas siv, los yog lwm yam uas txaww txog tus kheej uas siv los saib los yog sib txuas lus raws hauv hluav taws xob yog hais tias muaj tej yam dab tsi. Cov ncauj lus hauv phau ntawv teem npe tsis suav tus me nyuam kawm ntawv tus zauv pua cev los yog tus me nyuam kawm ntawv tus zauv ntawm cev (ID) uas tsis siv los saib los yog sib txuas lus raws hauv hluav taws xob raws li muaj nyob hauv tsoom fwv teb chaws txoj cai.

Cov cheeb tsam tsev kawm ntawv yuav tsum tau muab txoj kev koj xaiv tsis tso cai rau cheeb tsam tsev kawm ntawv muab ib qho los yog tag nrho cov ncauj lus txog koj tus me nyuam hauv cov ncauj lus hauv phau ntawv teem npe. Yog hais tias koj tsis hais tias koj tsis kam qhia tawm cov lus hauv phau ntawv teem npe saum no, ces yuav xam tias cov ncauj lus yog cov ntaub ntawv rau pej xeem saib tau thiab yuav siv tau yam uas tsis tas tau koj kev tso cai.

Cov ncauj lus txog koj (txhais tias yog cov niam txiv) yog cov ncauj lus ntiag tug tiam sis yuav muab ua tau tias yog cov ncauj lus hauv phau ntawv teem npe yog hais tais siv tib tug txheej txheem los ntawm cheeb tsam tsev kawm ntawv los xaiv cov ncauj lus txog tus me nyuam teev muaj hauv phau ntawv teem npe.

NTAWV SAU FAJ SEEB IB ZAUG TXOG KEV SAU NQI NTAWM NEEG SAB NRAUD RAU COV KEV KHO KAB MOB KEV NKEEG UAS MUAJ FEEM XYUAM RAU IEP

Ua ntej yuav xa nqi thawj zaug rau Medical Assistance los yog MinnesotaCare them rau cov kev pab uas muaj feem rau txoj kev noj qab haus huv ntawm cev, thiab txhua xyoo, cheeb tsam yuav tsum tau sau ntawv qhia rau koj tias:

1. Cheeb tsam yuav muab cov ntaub ntawv hais txog koj tus me nyuam thiab cov kev pab uas muaj feem rau txoj kev noj qab haus huv ntawm cev hauv koj tus me nyuam daim IEP sib pauv nrog Minnesota Tuam Tsev Muab Kev Pab Neeg los xyuas seb muaj kev pab them dab tsi rau koj tus me nyuam los ntawm Medical Assistance los yog MinnesotaCare thiab seb puas yuav xa tau cov nqi rau cov kev pab ntawd mus rau Medical Assistance los yog MinnesotaCare.
2. Ua ntej xa nqi thawj zaug mus rau Medical Assistance los yog MinnesotaCare rau cov kev pab kho mob, cheeb tsam yuav tsum tau kev tso cai los ntawm koj, nrog rau seb yuav qhia tau cov lus twg hais txog cov lus qhia uas cim tau tias tus neeg yog leej twg (piv txvw li, cov ntaub ntawv

los yog cov lus qhia txog cov kev pab uas tej zaum yuav muab pab), lub hom phiaj qhia tawm, lub koom haum uas yuav qhia tawm mus rau (piv txwv li, Tuam Tsev Muab Kev Pab Neeg) thiab qhia tau tias koj nkag siab thiab pom zoo rau cheeb tsam tsev kawm ntawv xyuas koj (los yog koj tus me nyuam) cov kev pab rau pej xeem los yog kev tuav pov hwm kom them rau cov kev pab kho mob uas muaj feem.

3. Cheeb tsam yuav xa nqi mus rau Medical Assistance los yog MinnesotaCare them rau cov kev pab uas muaj feem rau txoj kev noj qab haus huv ntawm cev nyob hauv koj tus me nyuam daim IEP.
4. Cheeb tsam yuav hais tsis tau kom koj yuav tsum tau sau npe los yog rau npe koom rau hauv Medical Assistance los yog MinnesotaCare los yog lwm cov kev pab them nqi es koj tus me nyuam thiaj li yuav tau cov kev pab qhia ntawv tshwj xeeb.
5. Cheeb tsam yuav hais tsis tau kom koj yuav tsum tau them rau cov nqi uas koj siv koj nyiaj los them xws li them ib qho nqi uas yus them ua ntej qhov kev pab them nqi mam li them (deductible) los yog tus nqi koom them (co-pay) uas tau muaj thaum xa nqi mus kom lawy them rau cov kev pab uas tau muab, tiام sis yuav tau them rau tus nqi uas koj yuav tsum tau them.
6. Cheeb tsam yuav siv tsis tau koj tus me nyuam cov kev pab hauv Medical Assistance los yog MinnesotaCare yog hais tias qhov ntawd yuav: txo qhov kev pab uas muaj tas lub neej los yog lwm cov kev pab uas muaj kev pab them; ua rau koj tsev neeg them rau cov kev pab uas muaj kev pab them los ntawm cov kev pab rau pej xeem los yog los ntawm qhov kev pab them nqi thiab yuav tsum tau muaj rau tus me nyuam thaum lub sij hawm nws tsis kawm ntawv; ua rau koj qhov nqi them txhua hli (premiums) los yog ua rau kom tsis muab kev pab mus txuas ntxiv los yog tsis muab kev pab them nqi mus txuas ntxiv; los yog ua rau kom koj tsis tsim nyog rau cov kev pab hauv tsev thiab cov kev pab hauv lub zej zos, raws li cov nqi kho mob tag nrho.
7. Koj muaj cai tau txais ib daim qauv ntawm cov ntaub ntawv kawm ntawv uas cheeb tsam muab qhia nrog cov neeg sab nraud thaum uas nrhiav kev pab them cov nqi kho mob uas muaj feem rau daim IEP.

Koj muaj cai nres koj qhov kev tso cai qhia tawm koj tus me nyuam cov ntaub ntawv txog kev kawm ntawv rau cov neeg sab nraud, nrog rau Tuam Tsev Muab Kev Pab Neeg tib si, tau txhua lub sij hawm. Yog hais tias koj nres qhov kev tso cai, cheeb tsam yuav muab tsis tau koj tus me nyuam cov ntaub ntawv qhia txog kev kawm ntawv rau cov neeg sab nraud kom lawy them rau cov kev pab kho mob uas muaj feem rau daim IEP. Koj yuav rho koj qhov kev tso cai tau txhua lub sij hawm, thiab koj tus me nyuam cov kev pab rau daim IEP yuav tsis hloov los sis nres.

COV KEV NTSUAM XYUAS KEV KAWM NTAWV LOS NTAWM LWM TUS NEEG

Ib qho kev ntsuam xyuas kev kawm los ntawm lwm tus neeg (IEE) yog ib qho kev ntsuam xyuas los ntawm tus (cov) neeg tsis ua hauj lwm rau koj cheeb tsam tsev kawm ntawv. Koj hais tau kom muaj ib qho IEE uas cheeb tsam tsev kawm ntawv ua tus them rau cov nqi yog hais tias koj tsis pom zoo txog cheeb tsam tsev kawm ntawv qhov kev ntsuam xyuas. Ib tug kws mloog plaub ntug yuav hais tau kom muaj ib qho kev ntsuam xyuas kev kawm los ntawm lwm tus neeg rau koj tus me nyuam uas cheeb tsam tsev kawm ntawv ua tus them rau cov nqi thaum lub sij hawm muaj lub rooj sib hais kom coj raws cai.

Thaum thov kom muaj ib qho IEE, cheeb tsam tsev kawm ntawv yuav tsum tau muab cov ncauj lus rau koj seb lawv nrhiav ib tug neeg ntsuam xyuas sab nraud li cas thiab cov lus qhia txog seb yuav thov kom muaj kev ntsuam xyuas kev kawm li hais tau qhov twg.

Yog hais tias koj thov kom muaj ib qho IEE, cheeb tsam tsev kawm ntawv yuav tsum, yam uas tsis txhob laug sij hawm, xyuas kom muaj uas pej xeem ua tus them rau cov nqi los yog thov kom muaj ib lub rooj kho ob tog lus los xyuas seb qhov kev ntsuam xyuas puas tsim nyog. Yog tias cheeb tsam tsev kawm ntawv mus hais hauv lub rooj kho ob tog lus thiab tus kho lus txiav txim tias cheeb tsam tsev kawm ntawv qhov kev ntsuam xyuas nws tsim nyog lawm, koj tseem muaj cai thov kom muaj ib qho kev ntsuam xyuas los ntawm lwm tus neeg, tiam tsis pej xeem yuav tsis ua tus them.

Yog hais tias koj them rau ib qho IEE, qhov ntsuam xyuas pom yuav tsum tau muab los sib tham nrog pawg neeg IEP/IIIP (Lub Hom Phiaj Pab Tus Neeg - Individual Interagency Intervention Plan) thiab yuav muab coj los ua pov thawj hauv lub rooj kho ob tog lus hais txog koj tus me nyuam.

COV NTAUB NTAWV TEEV KEV KAWM NTAWV

Kev Txhais Ntsiab Lus rau Cov Ntaub Ntawv Teev Kev Kawm Ntawv

Raws li tsoom fwv teb chaws txoj cai, cov ntaub ntawv teev kev kawm ntawv yog txhais tau tias yog cov ntaub ntawv uas muaj feem xyuam txog tus neeg kawm ntawv thiab cov tswj cia rau hauv lub tuam fab los yog cheeb tsam tsev kawm ntawv.

Koj Txoj Kev Muab Cuag Cov Ntaub Ntawv

Yog koj xav saib koj tus me nyuam cov ntaub ntawv kawm, cheeb tsam tsev kawm ntawv yuav tsum tau muab cov ntaub ntawv ntawd rau koj saib. Cov ntaub ntawv kawm muaj feem ntau ntawm cov ncauj lus txog koj tus me nyuam uas lub tsev kawm ntawv ceev cia. Tiam sis, cov ncauj lus uas koj tus me nyuam tus kws qhia ntawv ceev cia rau nws siv xwb tej zaum yuav tsis muaj nyob hauv cov ntaub ntawv kawm.

Cheeb tsam tsev kawm ntawv yuav tsum tau cia koj saib cov ntaub ntawv yam uas tsis txhob laug sij hawm li, thiab ua ntej cov rooj sib tham hais txog IEP, los yog cov rooj sib hais los yog cov kev daws teeb meem txog koj tus me nyuam. Ntxiv thiab, cheeb tsam tsev kawm ntawv yuav tsum ua raws li qhov koj thov saib koj tus me nyuam cov ntaub ntawv kawm tam sim ntawd, yog hais tias tau, los yog li ntawm 10 hnub tom qab thov (tsis suav cov hnub Zwj Cag (Saturday), Zwj Hnub (Sunday) thiab cov hnub caiv (holiday) raws cai), yog hais tias ua tsis tau li hais tam sim ntawd.

Koj txoj cai los txheeb thiab saib xyuas cov ntaub ntawv muaj txoj cai:

1. Hais kom tshab txhais los yog txhais koj tus me nyuam cov ntaub ntawv thaum thov txog;
2. Kom koj tus neeg sawv cev koj soj ntsuam thiab saib cov ntaub ntawv sawv cev koj;
3. Thov kom cheeb tsam tsev kawm ntawv muab koj tus me nyuam cov ntaub ntawv kawm luam ua quav rau koj; thiab
4. Saib koj tus me nyuam cov ntaub ntawv ntau npaum li qhov koj xav tau raws li xeev txoj cai. Lub Xeev txoj cai hais tias yog tias tau muab ib co ntaub ntawv ntiag tug rau koj pom thiab tau qhia rau koj txog lub ntsiab ntawd lawm, ces tsis tas yuav muab cov ntaub ntawv qhia rau koj ntxiv

mus 6 lub hlis tshwj tsis yog tias muaj ib qho kev tsis txaus siab los yog tseem tos kev sib foob los yog tau tsim los yog sau ua ke tau ib co ncauj lus tshiab.

Kev Hloov Cov Cai

Koj cov cai muab cuag koj tus me nyuam cov ntaub ntawv teev kev kawm ntawv yuav hloov mus rau koj tus me nyuam thaum nws muaj hnuv nyoog 18 xyoos. Yuav tsum sau ntawv faj seeb tuaj qhia rau koj thiab koj tus me nyuam txoj kev hloov cov cai no.

Cov Ntaub Ntawv rau Tshaj Ib Tug Me Nyuam

Yog cov ntaub ntawv teev kev kawm ntawv muaj ncauj lus txog thaj ib tug me nyuam, koj muaj cai txheeb thiab xyuas cov ncauj lus uas muaj feem xyuam rau koj tus me nyuam. Koj nrhiav kev tso cai kom koj xyuas thiab txheeb tau cov ntaub ntawv teev kev kawm uas muaj txog lwm cov me nyuam nrog rau koj tus, tiam sis cov niam txiv ntawm cov me nyuam muaj txoj cai tsis kam tso cai rau koj.

Cov Hom Ntaub Ntawv thiab Cov Chaw Cia Ntaub Ntawv

Yog koj thov txog, cheeb tsam tsev kawm ntawv thiab lub tuam tsev yuav qhia tau rau txog cov hom ntaub ntawv thiab cov chaw khaws cov ntaub ntawv uas lawv sau ua ke, tswj los yog siv.

Cov Ntaub Ntawv Uas Lwm Tus Neeg Xyuas

Cheeb tsam tsev kawm ntawv yuav tsum tau sau qhia cia txhua zaus muaj neeg thov saib, thiab txhua zaus qhia tawm, cov ncauj lus ntiag tug hauv koj tus me nyuam cov ntaub ntawv kawm. Cov ntawv sau qhia cia yuav tsum tau muaj tus neeg thov xyuas los yog tus neeg tau txais cov ncauj lus ntiag tug hauv koj tus me nyuam cov ntaub ntawv kawm, cov hnuv saib thiab yog qhia tawm ua dab tsi los yog tus neeg ntawd ho xav tau cov ncauj lus ua dab tsi.

Tso Cai Muab Cov Ntaub Ntawv

Feem ntau, yuav tsum tau niam txiv lus tso cai ua ntej yuav muab tau cov ntaub ntawv txog ntiag tug rau cov neeg los yog cov koom haum uas tsis tau kev tso cai. Yuav tsum tau sau ntawv tso cai thiab yuav tsum qhia tias cov neeg los yog cov koom haum uas tso cai tau cov ncauj lus yog leej twg: muab cov ncauj lus twg tawm; yuav siv cov ncauj lus ua dab tsi; thiab hnuv tim uas tag sij hawm rau kev tso cai qhia tawm cov ncauj lus. Thaum thov txog, cheeb tsam tsev kawm ntawv yuav tsum tau muab ib daim qauv ntawm daim ntawv sau qhia seb tau muab cov ntaub ntawv rau leej twg lawm rau koj tom qab koj tso cai lawm.

Cheeb tsam tsev kawm ntawv yuav qhia tsis tau cov ncauj lus uas nyob hauv koj tus me nyuam daim IEP/IIIP, nrog rau cov lus qhia txog seb mob dab tsi thiab cov kev kho mob, rau lub tuam txhab them nqi kho mob yam uas koj tsis tau sau ntawv tso cai thiab sau hnuv tim rau.

Tus Nqi Nrhiav, Rov Muab Los, thiab Luam Ntaub Ntawv

Cheeb tsam tsev kawm ntawv yuav hais tsis tau kom them nqi nrhiav los yog nqi rov muab ntaub ntawv los. Tiam sis, yog hais tias koj thov kom luam ib co ua qauv rau koj, yuav kom koj them cov nqi luam cov ntaub ntawv, tshwj tsis yog tias qhov kom koj them tus nqi ntawd yuav thaiv koj txoj kev siv koj txoj cai los ntsuam xyuas thiab saib cov ntaub ntawv kawm vim hais tias koj them tsis taus.

Kev Kho Cov Ntaub Ntawv raws li Niam Txiv Thov

Yog koj ntseeg tias cov ncauj lus ntawm koj tus me nyuam cov ntaub ntawv tsis muaj tseeb, qhia tsis yog, tsis tiav los yog ua txhaum koj tus me nyuam txoj cai tiv thaiv ntiag tug los yog lwm cov cai, koj thov tau kom cheeb tsam tsev kawm ntawv kho los yog tshem tawm cov ntaub ntawv.

Cheeb tsam tsev kawm ntawv yuav tsum tau txiav txim raws li sij hawm kom tsim nyog seb nws puas yuav kho cov ntaub ntawv. Yog tias cheeb tsam tsev kawm ntawv txiav txim tsis kho cov ntaub ntawv, nws yuav tsum tau qhia rau koj tias koj muaj txoj cai mus sib hais txog cheeb tsam tsev kawm ntawv txoj kev txiav txim. Yog tias, thaum txiav txim ntawm lub rooj sib hais tag, cheeb tsam tsev kawm ntawv txiav txim tias cov ncauj lus tsis yog tsis muaj tseeb, qhia tsis ncaj, tsis tiav los yog tsis tau ua txhaum koj tus me nyuam txoj cai ntiag tug, nws yuav tsum tau qhia koj tias koj muaj cai sau txog koj cov lus tsis pom zoo thiab cov kev tsis pom zoo nrog rau cov ncauj lus tawm tsam cia nrog koj tus me nyuam cov ntaub ntawv teev kev kawm ntawv. Lub rooj sib hais txog cov ncauj lus ntawm cov ntaub ntawv teev kev kawm ntawv yuav tsum yog hais raws li cov txheej txheem sib hais ntawm FERPA.

Kev Hloov Chaw rau Cov Ntaub Ntawv Teev Cia

Minnesota Cov Cai tswv kom cheeb tsam tsev kawm ntawv, lub tsev kawm ntawv charter, los yog lub tsev kawm ntawv ntiav hloov chaw rau tus neeg kawm ntawv cov ntaub ntawv teev kev kawm ntawv, nrog rau cov ntaub ntawv teev kev qhuab qhia ntawm lub tsev kawm ntawv uas tus neeg kawm ntawv nyob rau ua ntej 10 hnub txij li hnub thov txog.

Kev Rhuav Ntaub Ntawv Pov Tseg

Cheeb tsam tsev kawm ntawv yuav tsum tau qhia rau koj thaum twg tsis tas muaj cov ncauj lus ntiag los yeej muab tau cov kev pab qhia ntawv rau koj tus me nyuam. Cov ncauj lus ntawd yuav tsum tau muab rhuav pov tseg thaum koj thov txog. Tiam sis, lub tsev kawm ntawv yuav ceev tau koj tus me nyuam lub npe, qhov chaw nyob, tus xov tooj, cov paj xyeem tau hauv qib kawm (grades), cov ntaub ntawv qhia txog kev tuaj kawm ntawv, qib kawm uas kawm tiav thiab xyoo kawm tiav ua ib co ntaub ntawv uas khaws mus tas li.

Raws li tsoom fwv teb chaws txoj cai, kev rhuav pov tseg txhais tau tias yog muab cov ncauj lus ntiag tug tshem tawm cov ntaub ntawv kom cov tsis muaj peev xwm paub tau tias cov ntaub ntawv yog teev txog leej twg. Tiam sis tsis tas yuav muab cov ntaub ntawv rhuav pov tseg kiag thiaj li ua tau li koj thov kom muab cov ntaub ntawv teev kev kawm ntawv tshwj xeeb rhuav pov tseg. Cov cheeb tsam tsev kawm ntawv yeej ua tau raws li txoj cai no yog muab cov ncauj lus ntiag tug tshem tawm ntawm tus neeg kawm ntawv cov ntaub ntawv. Lub tswv yim rhuav tshem ntaub ntawv yog nyob ntawm cheeb tsam tsev kawm ntawv xaiv.

Cheeb tsam tsev kawm ntawv yuav tsis muab cov ntaub ntawv kawm rhuav pov tseg yog hais tias muaj ib qho kev thov xav xyuas los yog txheeb cov ntaub ntawv.

Txawm koj yuav thov kom muab cov ntaub ntawv rhuav pov tseg los cheeb tsam tsev kawm ntawv yeej khaws qee cov ncauj lus kom ua tau raws li Txoj Cai Tswj Kev Pab Cuam ntawm Kev Kawm Ntawv (General Education Provision Act) (GEPA), uas yuav tseev kom cov chaw tau nyiaj pab los ntawm tsoom fwv teb chaws khaws cov ncauj lus uas muaj feem xyuam rau txoj kev siv cov nyiaj txiag no. Tej zaum koj yuav tau khaws qee cov ntaub ntawv teev kev kawm ntawv ntawm koj tus me nyuam rau cov laj thawj teev ncauj lus tseg rau yav pem suab, xws li rau kev thov cov nyiaj pab SSI.

KEV KHO KOM HAUM XEEB

Kev kho kom haum xeeb yog ib txoj kev pab dawb uas nyias txaus nyias siab siv los pab daws teeb meem. Koj los yog koj cheeb tsam tsev kawm ntawv thov tau kev kho kom haum xeeb los ntawm Minnesota Tuam Tsev Xyuas Txog Kev Kawm Ntawv Qhov Kev Pab Daws Teeb Meem Txog Kev Kawm Ntawv Tshwj Xeeb ntawm 651-582-8222 los yog 1-866-466-7367. Kev kho kom haum xeeb yog siv ib tug neeg tsis tuaj leej twg tog uas kawm tswv yim daws teeb meem los nrog daws teeb mee. Siv tsis tau kev kho kom haum xeeb los txwv los yog laug koj txoj cai thov kom muaj lub rooj sib hais kom coj raws cai. Koj thiab cheeb tsam tsev kawm ntawv cov neeg ua hauj lwm yuav tsum tau pom zoo siv kev kho kom haum xeeb ua ntej yuav taw kom muaj tus neeg kho kom haum xeeb. Koj los yog cheeb tsam tsev kawm ntawv muaj cai los xaus txoj kev kho kom haum xeeb txhua lub sij hawm thaum lub sij hawm npiliag lus.

Yog koj thiab cheeb tsam tsev kawm ntawv daws tau tag nrho los yog ib feem ntawm cov kev cov nyom los yog pom zoo siv lwm txoj kev los daws cov teeb meem, tus neeg kho kom haum xeeb yuav tsum teev cov lus sib hais haum losyog cov lus pom zoo rau ob tog neeg kos npe tseg thiab ob tog neeg yuav tsum ib leeg tau ib daim luam tseg. Tsab ntawv teev cov lus sib hais haum los yog cov lus pom zoo yuav tsum hais tias tag nrho cov kev txiav txim uas tshwm sim thaum lub caij sib kho kom haum xeeb yuav ceev zoo cia thiab yuav siv tsis tau ua pov thawj mus rau hauv tej rooj plaub sib hais los yog tej txheej txheem sib hais plaub ntug txog pej xeem huab hwm. Tsab ntawv teev cov lus sib hais haum los yog cov lus pom zoo yog ib cov lus cog tseg ntawm koj thiab cheeb tsam tsev kawm ntawv thiab siv tau raws lub xeev los yog tsoom fwv teb chaws tsev hais plaub. Koj los yog cheeb tsam tsev kawm ntawv thov tau lwm lub sij hawm los kho kom haum xeeb qhov teeb meem ntawm txoj kev ua raws li cov lus pom zoo uas tshwm sim los ntawm txoj kev kho kom haum xeeb muaj tag los.

KEV SAU NTAWV TSIS TXAUS SIAB

Ib lub koom haum los yog ib tug neeg twg yuav teev tau ib daim ntawv tsis txaus siab rau Minnesota Lub Caj Meem Saib Xyuas Kev Kawm Ntawv (Minnesota Department of Education – MDE). Cov kev tsis txaus siab uas xa rau MDE yuav tsum:

1. Muab sau rau hauv ntawv thiab kos npe los ntawm tus neeg los yog lub koom haum uas teev daim ntawv tsis txaus siab;
2. lab liam tias tau muaj kev ua txhaum xeev los yog tsoom fwv txoj cai kawm ntawv tshwj xeeb;
3. Qhia cov ntsiab tseeb uas siv los txhawb qhov kev iab liam;
4. Muaj lub npe, qhov chaw nyob thiab tus xov tooj ntawm tus neeg los yog lub koom haum uas sau daim ntawv tsis txaus siab;
5. Muaj lub npe thiab qhov chaw nyob ntawm tus me nyuam thiab lub npe ntawm lub tsev kawm ntawv uas tus me nyuam mus kawm;
6. Qhia txog tus me nyuam qhov teeb meem; nrog rau cov ncauj lus yam muaj tseeb hais txog qhov teeb meem;
7. Hais qhia seb xav kom kho qhov teeb meem li cas raws li qhov paub thiab muaj rau tog ntawd thaum lub sij hawm uas teev daim ntawv tsis txaus siab; thiab

8. Xa mus rau lub koom haum uas pab tus me nyuam tib lub sij hawm uas xa daim ntawv tsis txaus siab mus rau MDE.

Yuav tsum xa daim ntawv tsis txaus siab mus rau:

Minnesota Department Education
Division of Compliance and Assistance
Due Process Supervisor
1500 West Highway 36
Roseville, MN 55113-4266
651.582.8689 Tus xov tooj
651.582.8725 Fax

MDE yuav tsum tau txais daim ntawv tsis txaus siab tsis pub dhau ib xyoos tom qab qhov kev iab liam ntawd tau tshwm sim. MDE yuav sau ntawv txiav txim tsis pub dhau 60 hnub, tshwj tsis yog muaj xwm txheej dab tsi laug sij hawm ntev dua los yog koj los yog cheeb tsam tsev kawm ntawv pom zoo ncua lub sij hawm kom mus koom tau txoj kev kho kom haum xeeb. Koj (tus niam txiv) los yog cheeb tsam tsev kawm ntawv raug mob los ntawm txoj kev txiav txim thov tau kom rov muab txoj kev txiav txim kawg no los nrog txiav txim dua tau ntawm Minnesota Lub Tsev Hais Plaub rau Cov Kev Thov Kom Rov Hais Ntxiv (Court of Appeals) ua ntej 60 hnub txij li hnub txais tau tsab ntawv txiav txim.

MODEL FORMS

MDE tau tsim muaj cov qauv ntawv uas siv tau los teev cov lus tsis txaus siab txog kev qhia ntawv tshwj xeeb los yog kev sib hais kom coj raws cai. Tsis tag yuav siv cov ntawv no, tiام sis yeej muaj los pab thaum yuav sau cov lus tsis txaus siab. Cov qauv ntawv no muaj nyob rau ntawm MDE lub vas sab ntawm: MDE > School Support > Compliance and Assistance > Due Process Forms.

LUB ROOJ SIB HAIS NRUAB NRAB NTUG KOM COJ RAWS CAI

Koj thiab cheeb tsam tsev kawm ntawv muaj txoj cai sau ntawv thov kom tau lub roo j sib hais kom coj raws cai ua ntej ob lub xyoo txij li hnub koj los yog lub chaw khaiv dej num paub txog los yog yuav tsum paub txog cov lus iab liam kom muaj lub roo j sib hais txog kev tsis txaus siab.

Thov tau lub roo j sib hais kom coj raws cai rau txoj kev thov los yog tsis kam pib los yog hloov ib tug me nyuam qhov hom thawj, txoj kev ntsuam xyuas, IEP, chaw kawm ntawv, los yog muab FAPE.

Lub roo j sib hais kom coj raws cai yuav daws tau qhov teeb meem hom thawj, kev ntsuam xyuas, chaw kawm ntawv, kev txiav txim tshwm sim tuaj, los yog cov kev cai ntawm txoj kev kawm ntawv dawb tsim nyog rau koj tus me nyuam. Ua ntej 15 hnub txij li txais tau tsab ntawv tsis txaus siab txog kev sib hais kom coj raws cai, thiab ua ntej lub roo j sib hais kom coj raws cai, cheeb tsam tsev kawm ntawv yuav tsum npaj kom muaj lub roo j sib tham daws teeb meem nrog koj thiab cov neeg tsim nyog ntawm pab IEP uas paub tseeb txog cov lus iab liam txog kev sib hais kom coj raws cai.

Qhov laj thawj ntawm lub roo j sib tham no yog rau koj sib tham txog cov lus tsis txaus siab txog kev sib hais kom coj raws cai, thiab cov lus tseeb uas tsim muaj txoj kev tsis txaus siab, yog li cheeb tsam tsev kawm ntawv muaj lub caij nyog los daws qhov teeb meem uas tsim muaj txoj kev tsis txaus siab txog kev sib haiskom coj raws cai.

Yuav tsis muaj lub rooj sib tham daws teeb meem yog koj thiab cheeb tsam tsev kawm ntawv tsis sau ntawv pom zoo zam txhob muaj lub rooj sib tham los yog pom zoo muaj kev kho kom haum xeeb. Tsis tag yuav muaj lub rooj sib tham daws teeb meem yog cheeb tsam tsev kawm ntawv yog tog neeg uas thov kom muaj lub rooj sib hais txog kev coj raws cai.

Yog daws tsis tau qhov teeb meem ua ntej 30 hnub txij li hnub txaus tau tsab ntawv tsis txaus sib txog kev coj raws cai, yuav pib suav lub caij nyoog rau lub rooj sib hais.

Yog cheeb tsam tsev kawm ntawv rub tsis tau koj los koom nrog lub rooj sib tham raws teeb meem los yog txoj kev kho kom haum xeeb tom qab lawv sim kawg kiag thiab cheeb tsam tsev kawm ntawv tsis pom zoo sau ntawv zam lub rooj sib tham, cheeb tsam tsev kawm ntawv thov tau kom ib tug kws ceev xwm kev sib hais plaub ntug muab cov lus tsis txaus siab txog kev coj raws cai tshem tawm, tom qab 30 hnub.

Tsis Muaj Cai Tau Lub Rooj Sib Hais Kom Coj Raws Cai

FAJ SEEB: Vim kev txhais xeev txoj cai los ntawm lub tsev hais plaub ntug 8th Circuit Court of Appeals, yog koj tus me nyuam hloov cheeb tsam tsev kawm ntawv thiab koj tsis thov lub rooj sib hais kom coj raws cai ua ntej mus kawm rau cheeb tsam tsev kawm ntawv tshiab, koj yuav tsis muaj cai tau lub rooj sib hais kom coj raws cai txog cov teeb meem ntawm kev kawm ntawv tshwj xeeb uas tshwm sim muaj nyob rau hauv cheeb tsam tsev kawm ntawv dhau los. Koj yeej tseem muaj cai tau lub rooj sib hais kom coj raws cai txog cov teeb meem kev kawm ntawv tshwj xeeb uas tshwm sim hauv cheeb tsam tsev kawm ntawv tshiab uas koj tus me nyuam mus kawm rau.

Cov Txheej Txheem Pib Lub Rooj Sib Hais Kom Coj Raws Cai

Thaum sau ntawv thov kom muaj ib lub rooj sib hais kom coj raws cai, cheeb tsam tsev kawm ntawv yuav tsum tau muab Tsab Ntawv Ceeb Toom Txheej Txheem Tiv Thaiv Kev Nyab Xeeb no rau koj thiab ib daim teev txog koj cov cai hauv lub rooj sib hais kom coj raws cai. Yog koj los yog cheeb tsam tsev kawm ntawv thov kom muaj lub rooj sib hais, tog neeg sab tod yuav tsum luam tsab ntawv thov thiab xa mus rau lub tuam fab. Thaum twg nws txais tau tsab ntawv thov, lub tuam fab yuav luam Tsab Ntawv Tshaj Tawm Txog Txheej Txheem Tiv Thaiv Kev Nyab Xeeb no rau koj. Tag nrho cov ntawv sau thov yuav tsum muaj:

1. Koj tus me nyuam lub npe;
2. Koj tus me nyuam qhov chaw nyob;
3. Lub npe ntawm lub tsev kawm ntawv uas koj tus me nyuam mus kawm;
4. Piav qhia seb muaj teeb meem li cas, nrog rau qhov uas koj paub tseeb; thiab
5. Hais qhia seb koj xav kom lawv kho qhov teeb meem li cas raws li qhov koj paub lub sij hawm ntawd.

MDE muaj cov kws ceev xwm kev sib hais uas muaj txuj ci tsim nyog cov npe. Thaum txais tau tsab ntawv thov lub rooj sib hais, MDE yuav xaiv tus kws ceev xwm kev sib hais ua tus tswj lub rooj sib hais. Nram no yog koj qee cov cai hauv lub rooj sib hais. Tsis tau yog tag nrho cov cai.

Koj thiab cheeb tsam tsev kawm ntawv muaj cai:

1. Muaj tus kws lij choj thiab cov tib neeg uas muaj txuj ci tshwj xeeb los yog kev kawm txog cov me nyuam tsis taus cov teeb meem;
2. Muab pov thawj thiab ntsib tim ntsej tim muag, xib nug lus thiab thiab hais kom tau cov neeg tim khaws tuaj koom;
3. Txvw tsis pub muab tej pov thawj uas tsis tau qhia tawm tsib hnub ua hauj lwm ua ntej lub rooj sib hais coj los nthuav, nrog rau cov ntaub ntawv ntsuam xyuas thiab cov tswv yim xam pom raws li cov ntaub ntawv ntawd; thiab
4. Tau daim ntawv dawb uas teev cov lus sib hais hauv lub rooj sib hais los yog cov lus kaw txog kev tshawb cov pov thawj thiab kev txiav txim.

Tam leej niam leej txiv, koj muaj cai:

1. Kom koj tus me nyuam, uas yog tus hais txog, tuaj nyob rau ntawm lub rooj sib hais;
2. Qhib rooj sib tham rau pej xeem huab hwm; thiab
3. Muab cov ntaub ntawv teev cov lus sib hais hauv lub rooj sib hais los yog tus kws ceev xwm kev sib hais txoj kev tshawb cov pov thawj, cov kev txiav txim txoj cai thiab cov kev txiav txim rau koj pub dawb.

Kev Teb rau Tsab Ntawv Thov Lub Rooj Sib Hais

Yog koj ua tsab ntawv thov kom muaj lub rooj sib hais thiab koj tsis tau txais ib tsab ntawv faj seeb ua ntej los ntawm cheeb tsam tsev kawm ntawv txog qhov teeb meem uas thov lub rooj sib hais txog, cheeb tsam tsev kawm ntawv yuav tsum sau ib tsab ntawv tuaj piav seb yog vim li cas cheeb tsam tsev kawm ntawv tsis ua dab tsi txog qhov teeb meem uas ua ntawv thov kom muaj lub rooj sib hais txog ua ntej 10 hnub txij li hnub txais tau tsab ntawv thov kom muaj lub rooj sib hais. Cov lus piav qhia no yuav tsum piav txog pab neeg IEP cov kev xav, vim li cas lawv thiaj tsis yuav li cov kev xav, ib cov lus piav qhia txog ib txoj kev ntsuam xyuas, kev sib tw, ntaub ntawv teev cia, los yog ntawv ceeb toom uas cheeb tsam tsev kawm ntawv siv los ua qhov laj thawj rau lawv txoj kev tsis kam ua dab tsi rau thiab ib cov lus piav qhia cov ntsiab lus tseeb uas muaj feem xyuam rau cheeb tsam tsev kawm ntawv lub tswv yim los yog txoj kev txiav txim tsis kam ua dab tsi.

Cheeb tsam tsev kawm ntawv hais tawm tau tias txoj kev thov lub rooj sib hais tsis raws li cov kev cai hauv lub xeev txoj cai lawm. Yuav xam tias txoj kev thov kom muaj lub rooj sib hais tsim nyog, tshwj tsis yog tog neeg uas txais tau tsab ntawv thov xa ntawv faj seeb qhia rau tus kws ceev xwm kev sib hais paub ua ntej 15 hnub tias lawv ntseeg tias txoj kev thov kom muaj lub rooj sib hais tsis raws cov cai lawm. Tus kws ceev xwm kev sib hais yuav tsum txiav txim seb lub rooj sib hais puas raws li cov cai ua ntej 5 hnub txij li hnub txais tau tsab ntawv thob thiab tsab ntawv faj seeb los ntawm cov tog neeg.

Thaum txaus tau koj tsab ntawv thov lub rooj sib hais, cheeb tsam tsev kawm ntawv yuav tsum sau ntawv tuaj teb rau cov teeb meem uas koj teev txog hnob rau hauv tsab ntawv thov lub rooj sib hais ua ntej 10 hnub txij li hnub txais tau tsab ntawv thov lub rooj sib hais.

Kev Qhia Tawm Ntaub Pov Thawj Hauv Lub Rooj Sib Hais

Yuav tsum tau muaj kev sib tham ua ntej lub rooj sib hais li 5 hnub ua hauj lwm txij li hnub uas tus coj xaiv tau ib tug kws ceev xwm kev sib hais. Lub rooj sib tham no yuav tham tim ntsej tim muag, ntawm ib qho chaw hauv cheeb tsam, los yog hauv xov tooj. Yam tsawg li 5 hnub ua hauj lwm ua ntej lub rooj sib hais, koj thiab cheeb tsam tsev kawm ntawv yuav tsum tau sib qhia txog tag nrho lwm cov kev ntsuam xyuas koj tus me nyuam uas tau ua tsis pub dhau hnub tim ntawd thiab cov tswv yim pom zoo raws li cov kev ntsuam xyuas ntawd uas xav tias yuav siv hauv lub roojsib hais. Tej zaum tus kws ceev xwm kev sib hais yuav tsis pub koj muab cov kev ntsuam xyuas los yog cov tswv yim pom zoo uas tsis tau muab qhia tawm coj los nthuav qhia rau hauv lub rooj sib hais yog tsis tau kev tso cai los ntawm tog neeg tod.

Txoj Kev Txiat Txim Ntawm Lub Rooj Sib Hais

Yuav tsum sau ntawv qhia kev txiat txim rau ob tog neeg ua ntej 45 hnub, los yog ua ntej ib lub caij nyog tsim nyog ncua mus ntev, ua ntej 30 hnub tag sij hawm thiab tom qab hnub lub xeev chaw khiav dej num txais tau tsab ntawv tsis txaus siab txog kev sib hais kom coj raws cai. Tus kws ceev xwm kev sib hais yuav ncua tsij hawm dhau 45 hnub yog ib tog neeg twg muaj qhov laj thawj zoo tsim nyog ncua. Tus kws ceev xwm kev sib hais yuav tsum xaiv lub caij nyog thiab qhov chaw zoo tsim nyog rau koj thiab koj tus me nyuam tuaj mus koom kev sib hais. Tus kws ceev xwm kev sib hais txoj kev txiat txim txog qhov koj tus me nyuam puas tau FAPE los tsis tau yuav tsum yog txiat txim raws cov pov thawj muaj thiab cov lus sib cam uas muaj feem xyuam rau FAPE. Txoj kev txiat txim los ntawm lub rooj sib hais yog txiat txim ua zaum kawg, tshwj tsis yog koj los yog cheeb tsam tsev kawm ntawv ua ntawv sib foob pej xeem huab hwm. Tus kws ceev xwm kev sib hais tsis muaj txoj cai hloov txoj kev txiat tsim, tshwj tsis yog muaj tej lus sau los yog zauv sau yuam kev xwb.

Lwm Txoj Kev Thov Rooj Sib Hais Kom Coj Raws Cai

Koj muaj txoj cai ua ntawv tsis txaus siab thov kom muaj lwm lub rooj sib hais kom coj raws cai txog lwm qhov teeb meem uas tsis yog qhov koj twb ua ntawv tsis txaus siab thov kev sib hais kom coj raws cai tag lawm.

COV NTAUB NTAWV TEEV TXOG LUS TSIS TXAUS SIAB THIAB COV ROOJ SIB HAIS

Muaj cov kev txiat txim kawg rau cov kev tsis txaus siab ntawm kev kawm ntawv tshwj xeeb thiab cov kev tsis txaus siab hauv cov rooj sib hais kom coj raws cai qhib rau pej xeem huab hwm ntawm MDE lub vas sab. MDE ceev cov ntaub ntawv qhib rau pej xeem huab hwm pom hu rau Cov Lus Tsis Txaus Siab, Cov Rooj Sib Hais thiab Cov Ntawv Tshawb Nrhiav (Letters Search Engine). Muaj cov kev txiat txim nyob rau hauv cov ntaub ntawv ceev cia thiab yeej muab tag nrho cov ncauj lus ntiag tug tshem tawm. Muaj cov ntaub ntawv ceev ntawm Kev Coj Raws Cai thiab Kev Pab Cuam (Compliance and Assistance) hauv MDE lub vas sab ntawm:

<http://w20.education.state.mn.us/WebsiteContent/ComplianceSearch.jsp>.

PEJ XEEM KEV SIB FOOB

Thaum twg koj los yog cheeb tsam tsev kawm ntawv tsis pom zoo nrog cov kev tshawb pom los yog kev txiat txim uas tus kws ceev xwm kev sib hais tau muaj, tog neeg twg los yeej muaj cai ua ntawv thov kom muaj pej xeem sib foob. Yuav coj rooj plaub mus sib hais hauv tsoom fwv teb chaws lub tsev hais plaub los yog lub xeev lub chaw rov txiat txim plaub ntug dua. Muaj cov kev xyuas rooj

plaub sib txawv ntawm ib lub tsev hais plaub twg. Yuav tsum xa tsab ntawv thov rov txiav txim dua mus rau hauv lub xeev ua ntej 60 hnub txij li hnub txais tau kev txiav txim. Yuav tsum xa tsab ntawv thov rov txiav txim dua mus rau tsoom fwv teb chaws cheeb tsam tsev hais plaub ua ntej 90 hnub txij li hnub txais tau kev txiav txim.

KEV TSO CHAW KAWM THAUM MUAJ LUB ROOJ SIB HAIS LUS LOS SIS PEJ XEEM SIB FOOB

Thaum lub sij hawm muaj lub rooj sib hais los yog kev sib hais plaub, tshwj tsis yog tias koj thiab cheeb tsam tsev kawm ntawv pom zoo lwm yam, koj tus me nyuam yuav kawm ntawv twj ywm li qub thiab yuav tsum txhob tsis kheev mus kawm ntawv thawj zaug. Qhov no feem ntau hu ua txoj cai “nyob twj ywm”.

Muaj ob qho uas tsis suav rau hauv txoj cai “nyob twj ywm” uas tshwm sim:

1. Yuav tshem tau cov me nyuam kawm ntawv tawm hauv lawv qhov chaw kawm ntawv tsis pub ntev tshaj 45 hnub kawm ntawv mus rau lwm qhov chaw kawm ntawv ib ntus vim muaj cov kev ua txhaum cai vim nqa riam phom, tshuaj yeeb los yog ua raug mob loj rau lub cev; thiab
2. Tus kws ceev xwm kev sib hais txoj kev pom zoo nrog koj tias hloov qhov chaw kawm ntawv tsim nyog xws li qhov kawm “twj ywm” thaum tseem muaj cov kev thov rov txiav txim dua.

COV ROOJ SIB HAIS PLAUB CEEV NROOJ

Koj (tus niam txiv) los yog cheeb tsam tsev kawm ntawv thov tau kom muaj lub rooj sib hais ceev nrooj rau cov xwm txheej nram no:

1. Thaum twg koj tsis txaus siab rau cheeb tsam tsev kawm ntawv *lub tswv yim* xav pib los yog hloov kev hom thawj, kev ntsuam xyuas los yog kev tso chaw kawm ntawv rau koj tus me nyuam los yog cheeb tsam tsev kawm ntawv txoj kev pab FAPE rau koj tus me nyuam;
2. Thaum twg yog koj tsis txaus siab rau cheeb tsam tsev kawm ntawv *txoj kev tsis kam* pib los yog hloov kev hom thawj, kev ntsuam xyuas los yog kev tso chaw kawm ntawv rau koj tus me nyuam los yog cheeb tsam tsev kawm ntawv txoj kev pab FAPE rau koj tus me nyuam;
3. Thaum twg koj tsis txaus siab rau txoj kev txiav txim tshwm sim; thiab
4. Thaum twg cheeb tsam tsev kawm ntawv ntseeg tias yog cia koj tus me nyuam kawm ntawv twj ywm qhov qub yuav raug mob rau lub cev loj heev los yog raug lwm tus neeg.

Koj los yog cheeb tsam tsev kawm ntawv yuav ua ntawv thov kom muaj lub rooj sib hais kom ceev nrooj raws li piav saum no.

Cov Caij Nyoog rau Cov Rooj Sib Hais Ceev Nrooj

Yuav tsum muaj cov rooj sib hais plaub ceev nrooj ua ntej 20 hnub kawm ntawv txij li hnub ua tsab ntawv thov kom muaj rooj sib hais. Tus kws ceev xwm kev sib hais yuav tsum xa tsab ntawv teev kev txiav txim ua ntej 10 hnub tom qab lub rooj sib hais. Yuav tsum muaj lub rooj sib tham daws teeb meem ua ntej 7 hnub txij li hnub tau txais tsab ntawv thov lub rooj sib hais, tshwj tsis yog koj thiab cheeb tsam tsev kawm ntawv sau ntawv pom zoo zam tsis tag muaj lub rooj sib tham daws teeb meem los yog siv txoj kev kho kom haum xeeb. Yuav muaj lub rooj sib hais kom coj raws cai mus

ntxiv tshwj tsis yog daws tau qhov teeb meem kom ob tog neeg txaus siab ua ntej 15 hnub txij li hnub txaits tau tsab ntawv thov kev sib hais.

Kev Tshem Tawm Cov Lus Tsis Txaus Siab

Yog cheeb tsam tsev kawm ntawv muab tsis tau koj txoj kev koom tes nrog lub rooj sib tham daws teeb meem los yog lub rooj sib kho kom haum xeeb tom qab sim kawg siab thiab cheeb tsam tsev kawm ntawv sau ntawv tsis pom zoo zam lub rooj sib tham, cheeb tsam tsev kawm ntawv yuav, tom qab 30 hnub, thov tus kws ceev xwm kev sib hais kom tshem tawm koj cov lus tsis txaus siab thov lub rooj sib hais kom coj raws cai.

Kev Muab Chaw Kawm Ntawv Los Ntawm Tus Kws Ceev Xwm Kev Sib Hais

Tej zaum tus kws ceev xwm kev sib hais yuav txiav txim tshem koj tus me nyuam mus kawm rau lwm qhov chaw kawm ntawv ib ntus kom txog li ntawm 45 hnub kawm ntawv yog tus kws ceev xwm kev sib hais txiav txim pom tias koj tus me nyuam yuav tsim kev mob rau nws tus kheej los yog rau lwm cov yog tias nws nyob twj ywm ntawm qhov chaw kawm qub.

Txoj Cai Thov Kom Rov Txiat Txim Dua

Koj los yog cheeb tsam tsev kawm ntawv thov tau kom rov muab tus kws ceev xwm kev sib hais plaub txoj kev txiat txim los hais dua hauv lub rooj sib hais kom coj raws cai ceev nrooj.

KEV MUAB LWM QHOV CHAW KAWM NTAWV IB NTUS

Cheeb tsam tsev kawm ntawv yuav hloov koj tus me nyuam qhov chaw kawm ntawv mus rau lwm qhov chaw txog li 45 hnub kawm ntawv, yog koj tus me nyuam:

1. Nqa riam phom txaus ntshai los yog muaj riam phom txaus ntshai hauv tsev kawm ntawv, hauv tsev kawm ntawv cov chaw, los yog hauv tsev kawm ntawv ib qho koom txaos hauv cheeb tsam tsev kawm ntawv los yog MDE raws li txhais los ntawm tsoom fwv teb chaws txoj cai);
2. Paub tias yeej muaj los yog yeej siv cov tshuaj yeeb tsis raug cai, los yog muag los yog nrhiav kev muag cov tshuaj yeeb tsis raug cai thaum nyob hauv tsev kawm ntawv, hauv tsev kawm ntawv cov chaw, los yog hauv tsev kawm ntawv ib qho koom txaos hauv cheeb tsam tsev kawm ntawv los yog MDE. Qhov no tsis yog dej caw los yog luam yeeb; los yog,
3. Ua rau lwm tus neeg raug mob loj thaum nyob hauv tsev kawm ntawv, hauv tsev kawm ntawv cov chaw, los yog hauv tsev kawm ntawv ib qho koom txaos hauv cheeb tsam tsev kawm ntawv raws li txhais los ntawm tsoom fwv teb chaws txoj cai.

Hnub uas cheeb tsam tsev kawm ntawv txiat txim muab koj tus me nyuam tshem tawm thiab txoj kev tshem tawm yog kev hloov chaw kawm ntawv rau ib tug me nyuam tsis taus vim nws coj yam ntxvw txhaum cai, cheeb tsam tsev kawm ntawv yuav tsum sau ntawv faj seeb qhia rau koj txog nws txoj kev txiat tsim thiab muab Tsab Ntawv Ceeb Toom Txog Txheej Txheem Tiv Thaiiv Kev Nyab XeebTsab Ntawv Ceeb Toom Txog Tus Qauv Taug Kev Tiv Thaiiv Kev Nyab Xeeb no rau koj.

Pawg neeg IEP/IIIP txiat txim txog qhov chaw yuav mus kawm ntawv ib ntus thiab cov kev kawm ntawv tshwj xeeb tsim nyog. Txawm tias qhov no yog kev hloov mus ib ntus xwb los, yuav tsum tau cia koj tus me nyuam:

1. Kawm cov ntaub ntawv zoo li qub mus ntxiv thiab kawm kom mus cuag cov hom phiaj uas teev muaj hauv koj tus me nyuam qhov IEP, txawm tias nws yuav yog kawm nyob rau ib qho chaw kawm txawv; thiab
2. Muab cov kev pab thiab cov kev hloov uas tsim los tiv thiav tus cwj pwm kom txhob rov qab tshwm sim dua.

Yog tias muab koj tus me nyuam must so rau lwm qhov chaw kawm ntawv ib ntus, yuav tsum tau muaj ib lub rooj sib tham IEP/IIIP ua ntej 10 hnub kawm ntawv txijl I hnub txiav txim. Hauv lub rooj sib tham no, pawg neeg yuav tsum tau tham txog tus cwj pwm thiab txoj kev uas txuam nrog rau koj tus me nyuam txoj kev tsis taus. Pab neeg yuav tsum muab cov ncauj lus ntsuam xyuas txog koj tus me nyuam tus yam ntxwv los xyuas, thiab txiav txim txog koj tus me nyuam qhov IEP/IIIP uas tsim nyog thiab lub tswv yim cob yam ntxwv. Pab neeg yuav txiav txim seb koj tus me nyuam muaj tus yam ntxwv tshwm sim puas yog tim, los yog muaj feem xyuam rau nws txoj kev tsis taus, los yog koj tus me nyuam coj tus yam ntxwv vim yog cheeb tsam tsev kawm ntawv tsis muaj rab peev xwm ua raws li qhov IEP.

TUS KWS LIJ CHOJ COV NQI NROG SIB HAIS PLAUB

Tej zaum koj yuav tau koj cov nqi them kws lij choj rov qab yog tias koj yeej rooj plaub sib hais kom coj raws cai. Ib tug kws txiav txim plaub ntug yuav kom them tus kws loj choj cov nqi raws li cov qib them nqi hauv koj lub zej zog. Lub tsev hais plaub yuav txo cov nyiaj them kws lij choj yog tias nws pom tias koj txhob txwm laug sij hawm kev sib hais haum los yog kev txiav txim rau rooj plaub. Yog tias cheeb tsam tsev kawm ntawv yeej thiab tsev hais plaub pom zoo tias koj txoj kev thov kom muaj lub rooj sib hais tsis tsim nyog rau qhov laj thawj lawm, koj yuav tau them cheeb tsam tsev kawm ntawv tus kws lij choj cov nq.

KEV TSHEM TAWM THIAB RHO TAWM COV NEEG MUAJ KEV TSIS TAU

Ua ntej koj tus me nyuam uas muaj kev tsis taus yuav raug rho tawm los yog tshem tawm hauv tsev kawm ntawv, yuav tsum muaj ib txoj kev txiav txim tshwm sim. Yog koj tus me nyuam tsis coj yam ntxwv zoo vim yog nws txoj kev tsis taus, koj tus me nyuam yuav tsis raug rho tawm.

Thaum ib tug me nyuam muaj kev tsis taus raug tshem tawm los yog rho tawm raws li Txoj Cai Tshem Neeg Kawm Ntawv Ncaj Ncees (Pupil Fair Dismissal Act), Minnesota Cov Cai, Cov Ntu 121A.41-56, vim yog coj cov yam ntxwv tsis zoo uas tsis yog tim tus me nyuam txoj kev tsis taus, cheeb tsam tsev kawm ntawv yuav muab tau kev qhia ntawv tshwj xeeb thiab cov kev pab cuam ntxiv rau nws tom qab lub caij nyog muab nws tshem mus qhuab qhia tiav, yog tias raug tshem.

COV KEV TSHEM KEV QHUAB QHIA

Yog ib tug me nyuam muaj kev tsis taus raug tshem tawm ntawm nws qhov chaw kawm ntawv, yuav xam tau qhov no ua ib txoj kev tshem tawm chaw kawm ntawv yog tias:

1. Txoj kev tshem tawm ntev tshaj 10 hnub kawm ntawv sib law liag; los yog
2. Koj tus me nyuam raug tshem tawm ntau zaus zoo sib xws vim yog:
 - a. Cov kev tshem tawm muaj ntau tshaj 10 hnub kawm ntawv hauv ib lub xyoo twg;

- b. Koj tus me nyuam coj tus yam ntxwv zoo li cov xwm txheej dhau los uas raug muab tshem tawm ntau zaus; thiab
- c. Lwm cov ntsiab tseeb xws li cov hnub tshem tawm ntev npaum li cas, koj tus me nyuam raug tshem tawm pes tsawg zaus, thiab qhov sij hawm sib ncua ntawm cov caij nyooq raug tshem tawm.

Cheeb tsam tsev kawm ntawv yog tus txiav txim seb tus yam ntxwv raug tshem tawm puas tsim nyog muab hloov chaw kawm ntawv. Yog muaj tus tsis txaus siab rau txoj kev txiav txim, yuav tau muab txoj kev sib hais kom coj raws cai thiab cov txheej txheem sib hais plaub ntug los nrog xyuas txoj kev txiav txim.

COV ME NYUAM TSIS TSIM NYOG TAU COV KEV KAWM NTAWV TSHWJ XEEB THIAB COV KEV PAB CUAM MUAJ FEEM XYUAM

Yog tias tsis tau pom koj tus me nyuam tsim nyog tau cov kev kawm ntawv tshwj xeeb thiab cov kev pab cuam muaj feem xyuam thiab ua txhaum txoj cai coj yam ntxwv, thiab cheeb tsam tsev kawm ntawv paub ua ntej txoj kev ua txhaum cai tias koj tus me nyuam yeej yog ib tug me nyuam muaj kev tsis taus, ces koj tus me nyuam siv tau cov kev tiv thaiv piav hauv tsab ntawv no.

Yuav xam tias cheeb tsam tsev kawm ntawv paub txog tias tus me nyuam yeej yog ib tug me nyuam muaj kev tsis taus yog tias, ua ntej tus yam ntxwv raug qhuab qhia tshwm sim:

1. Koj sau ntawv teev koj cov lus txhawj xeeb rau cov neeg tswj xyuas los yog neeg kхиav hauj lwm hauv cheeb tsam tsev kawm ntawv los yog rau koj tus me nyuam tus xib fwb paub tias koj tus me nyuam yuav tsum tau kev kawm ntawv tshwj xeeb thiab cov kev pab cuam muaj feem xyuam;
2. Koj thov kom muaj txoj kev ntsuam xyuas txog kev tsis taus rau txoj kev kawm ntawv tshwj xeeb thiab cov kev pab cuam muaj feem xyuam raws li Ntu B ntawm IDEA; los yog
3. Koj tus me nyuam tus xib fwb los yog lwm cov neeg ua hauj lwm hauv cheeb tsam tsev kawm ntawv tau qhia lawv cov kev txhawj xeeb txog cov qauv yam ntxwv uas koj tus me nyuam tau coj mus rau cheeb tsam tsev kawm ntawv tus thawj coj kev qhia ntawv tshwj xeeb los yog rau neeg tswj xyuas hauv cheeb tsam tsev kawm ntawv.

Tshwj yog cov cheeb tsam tsev kawm ntawv paub txog

Yuav tsis xam tias cheeb tsam tsev kawm ntawv paub tiag yog tias:

1. Koj tau tsis kam tso cai rau ib txoj kev ntsuam xyuas koj tus me nyuam los yog koj tsis khev koj tus me nyuam kawm ntawv tshwj xeeb yav dhau los; los yog
2. Koj tus me nyuam twb yeej muaj kev ntsuam xyuas thiab yeej pom tias koj tus me nyuam tsis yog ib tug me nyuam muaj kev tsis taus raws li Ntu B ntawm IDEA.

Cov zwj ceeb muaj feem xyuam yog tsis muaj kev paub txog.

Yog cheeb tsam tsev kawm ntawv tsis paub txog tias koj tus me nyuam yog ib tug me nyuam muaj kev tsis taus ua ntej muab koj tus me nyuam qhuab qhia, koj tus me nyuam yuav raug cov kev qhuab

qhia tam nkaus li cov me nyuam uas tsis muaj kev tsis taus uas tau coj cov yam ntxwv zoo sib xws li ntawd.

Yog muaj ntawv thov kom ntsuam xyuas koj tus me nyuam thaum lub caij nyog yuav muab koj tus me nyuam qhuab qhia, yuav tsum muaj txoj kev ntsuam xyuas kom ceev nrooj. Kom txog thaum ntsuam xyuas tiav, koj tus me nyuam yuav kawm ntawv twj ywm qhov qub uas cheeb tsam tsev kawm ntawv txiav txim rau nws, uas tej zaum yuav muaj kev tshem tawm los yog rho tawm tsesv kawm ntawv tsis pub muaj cov kev kawm ntawv uas qhia rau sawv daws. Nyob rau hauv Minnesota, cov kev kawm ntawv rau sawv daws yog cov uas pib qhia hnub 6 tom qab muab txoj kev qhuab qhia thiab muab lwm cov kev qhia ntawv.

KEV XA MUS CUAG THIAB YAM NTXWV COJ LOS NTAWM CHAW CEEV XWM KEV CAI THIAB COV MUAJ CIAJ CIAM CAI

Cheeb tsam tsev kawm ntawv ceeb toom qhia tau ib txoj kev ua txhaum cai los ntawm ib tug me nyuam muaj txoj kev tsis taus mus rau cov kws muaj cai tsim nyog thiab lub Xeev chaw ceev xwm kev cai thiab cov muaj caij ciam cai yeej ua tau lawv cov luag num raws txoj cai uas muaj feem xyuam rau cov kev ua txhaum cai los ntawm ib tug me nyuam muaj kev tsis taus.

Cov ntaub ntawv xa tawm

Yog cheeb tsam tsev kawm ntawv ceeb toom ib txoj kev ua txhaum cai los ntawm ib tug me nyuam muaj kev tsis taus, cheeb tsam tsev kawm ntawv yuav tsum luam tus me nyuam cov ntaub ntawv teev txog kev kawm ntawv tshwj xeeb thiab lwm cov ntaub ntawv teev kev qhuab qhia xa mus rau cov kws muaj cai tsim nyog uas yog cov nws ceeb toom kev ua txhaum cai mus rau. Tiam sis, cheeb tsam tsev kawm ntawv tsuas luam tau koj tus me nyuam cov ntaub ntawv kawm tshwj xeeb thiab cov ntaub ntawv teev kev qhuab qhia raws li FERPA pom zoo.

KEV MUAB MUS KAWM NTAWV NTIAV

IDEA yuav tsis yuam kom cheeb tsam tsev kawm ntawv them rau cov nqi qhia ntawv rau koj tus me nyuam, nrog rau cov nqi qhia ntawv tshwj xeeb thiab cov kev pab cuam muaj feem xyuam, hauv lub tsev kawm ntawv ntiav, yog tias cheeb tsam tsev kawm ntawv yeej muaj FAPE rau koj tus me nyuam thiab yog koj xaiv muab koj tus me nyuam mus kawm rau hauv lub tsev kawm ntawv ntiav. Tiam sis, tej zaum koj yuav tau cov nqi kawm ntawv hauv lub tsev kawm ntawv ntiav rov los yog tias koj qhia rau cheeb tsam tsev kawm ntawv paub ua ntej raws caij nyog tias koj npaj yuav siv pej xeem huab hwm cov nyij se them rau koj tus me nyuam mus kawm hauv lub tsev kawm ntawv ntiav thiab yog tus kws ceev xwm kev sib hais pom tias cheeb tsam tsev kawm ntawv yeej tsis muaj FAPE rau koj tus me nyuam ua ntej muab koj tus me nyuam mus rau npe kawm hauv lub tsev kawm ntawv ntiav thiab yog txoj kev kawm ntawv ntiav yeej zoo tsim nyog. Koj yuav tsum faj seeb qhia rau cheeb tsam tsev kawm ntawv txog koj txoj kev npaj yuav siv pej xeem huab hwm cov nyij se them rau koj tus me nyuam mus kawm rau hauv lub tsev kawm ntawv ntiav thaum IEP/IIIP lub rooj sib tham ua ntej yuav muab koj tus me nyuam tshem tawm hauv lub tsev kawm ntawv dawb los yog sau ntawv mus faj seeb qhia rau cheeb tsam tsev kawm ntawv tsawg kawg li 10 hnub ua ntej yuav tshem koj tus me nyuam tawm ntawm lub tsev kawm ntawv dawb.

Koj tsab ntawv yuav tsum teev qhia vim li cas koj thiaj tsis pom zoo li cheeb tsam tsev kawm ntawv lub tswv yim IEP/IIIP los yog qhov chaw kawm ntawv. Yog tus kws ceev xwm kev sib hais los yoglub tsev hais plaub pom tias cheeb tsam tsev kawm ntawv tsis muaj rab peeve xwm muab tau los yog

Part B Notice of Procedural Safeguards – Hmong

muab tsis tau txoj kev kawm ntawv tsim nyog rau koj tus me nyuam thiab lub chaw kawm ntawv ntiav thiaj li tsim nyog, yuav thim cov nqi kawm ntawv ntiav rov rau koj. Yog tsis qhia rau lub tsev kawm ntawv paub txog koj txoj kev npaj siv pej xeem huab hwm cov nyiaj se them rau koj tus me nyuam mus kawm hauv lub tsev kawm ntawv ntiav, tsis kheev ntsuam xyuas kojt us me nyuam ua ntej muab koj tus me nyuam mus kawm hauv lub tsev kawm ntawv ntiav tom qab cheeb tsam tsev kawm ntawv sau ntawv faj seeb qhia rau koj txog lawv txoj kev yuav ntsuam xyuas koj tus me nyuam, los yog lwm cov kev ncua sij hawm tsim nyog los ntawm koj, yuav ua rau kev thim cov nyiaj them nqi kawm ntawv rov rau koj tsawg dua los yog tsis kam thim rov rau koj.

Tus kws ceev xwm kev sib hais yuav txo tsawg tsis tau los yog tsis kam thim tsis tau cov nqi kawm ntawv ntiav yog tias: cheeb tsam tsev kawm ntawv tiv thaiv tsis kheev koj ua tsab ntawv faj seeb no; koj tsis tau txais tsab ntawv teev qhia koj cov luag num raws li piav muaj saum no ntawm ntu no; los yog ua raws li cov kev cai saum no yuav tsim kev mob rau koj tus me nyuam lub cev thiab yog koj tsis ua tsab ntawv faj seeb vim tias koj sau tsis tau Ntawv Askiv los yog ua raws cov cai saum no yuav tsim kev puas siab puas ntsws loj heev rau koj tus me nyuam.